

REGLUR

um úthlutun fjár til eflingar starfsmenntunar 2012-2013.

1. gr.

Gildissvið og hlutverk.

Reglur þessar kveða á um úthlutun fjármuna til tímabundinna verkefna sem stuðlað geta að eflingu starfsmenntunar og eru liður í átaksverkefni rákisstjórnarinnar *Nám er vinnandi vegur*.

2. gr.

Markmið.

Verkefnunum er um ræðir er ætlað að:

- a) auka þátttöku fólks í starfsnámi með stuðningi við markhópa með sértækar þarfir,
- b) stuðla að hagnýtingu og þróun stuttra starfsnámsbrauta,
- c) efla kynningu á starfsnámi gagnvart nemendum grunnskóla og foreldrum þeirra,
- e) efla starfstengt nám á framhaldsskóla- og háskólastigi og
- d) þróa námsframboð í starfsnámi á 4. þrepi viðmiðaramma aðalnámskrár framhaldsskóla.

3. gr.

Yfirstjórn.

Mennta- og menningarmálaráðherra fer með yfirstjórn átaksins í samstarfi við stýrihóp verkefnisins *Nám er vinnandi vegur*. Með hópnum starfar sérstakur verkefnisstjóri að útfærslu og eftirfylgni verkefnisins.

4. gr.

Umsækjendur.

Rétt á að sækja um styrk eiga starfandi lögaðilar, t.d. skólar, fræðsluaðilar í framhaldsfræðslu, félagasamtök og stofnanir sem hafa að markmiði að efla menntun og starfshæfni skjólstaðinga sinna.

5. gr.

Meðferð og afgreiðsla umsókna.

Umsóknir um styrki til verkefna af framangreindu tagi eru sendar mennta- og menningarmálaráðuneytinu. Að úrvinnslu lokinni eru umsóknir lagðar fyrir stýrihóp *Nám er vinnandi vegur* sem gerir tillögu til mennta- og menningarmálaráðherra um úthlutun átaksins. Ráðherra tekur endanlega ákvörðun um úthlutun fjár til einstakra verkefna.

6. gr.

Tekjustofnar.

Framlög í verkefnið eru ákveðin af Alþingi á fjárlögum hvers árs.

7. gr.

Mat og eftirlit.

Stýrihópur verkefnisins hefur eftirlit með nýtingu fjármuna þess. Hann upplýsir mennta- og menningarmálaráðherra um helstu niðurstöður af starfi sínu, svo sem um fjölda umsókna á ári, fjárhæð styrkja og heildarupphæð úthlutaðra styrkja.

Mennta- og menningarmálaráðuneytinu, 4. apríl 2012.

Katrín Jakobsdóttir.

Ásta Magnúsdóttir.